

आकाशवाणी

खास-खास खबरां:-

- 18मां ब्रिक्स शिखर सम्मेलन अज्जै थमां नमीं दिल्ली दे भारत मंडपम च शुरु होआ करदा ऐ। इस दरान सदस्य मुखें आसेआ केई सारे महत्वपूर्ण मामलें पर चर्चा करने दी मेद ऐ।
- प्रधानमंत्री नरेंद्र मोदी चीन दे राष्ट्रपति शी जिनपिंग ते अबु धाबी दे शहजादे शेख खालिद बिन मोहम्मद बिन ज़ायद अल नहयान हुं'दे सने होरनें ब्रिक्स नेताएं दे कन्नै दपक्खी गल्लबात करडन।
- प्रधानमंत्री मोदी होरें आलमी सतह उपपर बपार गी बवस्थित बनाई रखवने लेई सुरक्षित समुंदरी मार्ग, निविघ्न आपूर्ति मार्ग ते नाविकें दी सुरक्षा जकीनी बनाने दा आहवान कीता ऐ।
- सऊदी अरब ने आखेआ ऐ जे ड्रोन हमले दे इक दिनै परैन्त उन्नै मुख्य भरै च फैली दी इक बड्डी तेल पाइपलाइन गी बंद करी दित्ता ऐ।
- उत्तर प्रदेश च हाडें दी लगातार बिगड़दी स्थिति दे दरम्यान, राज्य सरकारै प्रभावत परोआरें दी मदाद लेई राहत ते बचाऽ कम्म तेज करी दिते ना।
- जूनियर एशिया महिला हॉकी कप दे पैहले सेमीफाइनल च अज्ज भारत दा मुकाबला दक्खन कोरिया दे कन्नै होगा।

<><><><><><>

BRICS Summit

18मां ब्रिक्स शिखर सम्मेलन अज्जै सोआ नमीं दिल्ली दे भारत मंडपम च शुरु होआ रदा ऐ। दंऊ दिनें दे इस बड्डे कार्यक्रम च ब्राजील, चीन, मिस्र, इथोपिया, इंडोनेशिया, भारत, ईरान, रूस, सऊदी अरब, दक्खन अफ्रीका ते संयुक्त अरब अमीरात सनें 11 प्रमुख विकासशील मुख्य किट्टे इक्कै मंच पर आवाठै'रदे ना। इस शिखर सम्मेलन दौरान वैश्विक शासन, आलमी स्तह पर किट्टे रलियै कम्म करना, बपार ते निवेश, प्रोद्योगिकी, खाद्य ते ऊर्जा सुरक्षा, सेहत, आपदा सरबन्धी तैयारियें ते जरूरी सप्लाई चेन जनेह महत्वपूर्ण विशें पर गल्लबात कीते जाने दी मेद ऐ। भारत इस बरे ब्रिक्स शिखर सम्मेलन दी अगुआई करा'रदा ऐ।

लचीलापन, नवाचार, सहयोग ते स्थिरता लेई निर्माण, दुनिया भरै थमां केई नेता इस सम्मेलन च हिस्सा लै'करदे न, जिंदे च प्रधानमंत्री नरेन्द्र मोदी हुंदे सनें रुस दे राष्ट्रपति व्लादीमीर पुतिन, चीन दे राष्ट्रपति Xi Jinping, दक्खन अफ्रीका दे राष्ट्रपति Cyril Ramaphosa, मिस्र दे राष्ट्रपति Abdel Fattah El-Sisi, इंडोनेशिया दे राष्ट्रपति Prabowo Subianto ते ईरान दे राष्ट्रपति Masoud Pezeshkian होर शामिल ना। प्रधानमंत्री नरेन्द्र मोदी हुंदा शिखर सम्मेलन दे बाहरे ब्रिक्स नेताएं कन्नै दपक्खियां गल्लबात करने दा बी कार्यक्रम ऐ, जिंदे च चीन दे राष्ट्रपति Xi Jinping, अबुधाबी दे युवराज Sheikh Khaled bin Mohammed bin Zayed Al Nahyan, इथोपिया दे प्रधानमंत्री Abiy Ahmed Ali, मलेशिया दे प्रधानमंत्री अनवर इब्राहिम ते Vietnamese दे प्रधानमंत्री Le Minh Hom हुंदे कन्नै गल्लबात शामिल ऐ।

<><><><><><>

Brics -Traffic Diversions

नमीं दिल्ली च ब्रिक्स शिखर सम्मेलन गी दिक्खदे होई अज्ज बड्डुलै साड्डे 9 बजे शा रातीं 9 बजे तगर राष्ट्रीय राजधानी च मुख-मुख सिडके पर ट्रैफिक दी आओ-जाई नियंत्रित होग। ट्रैफिक पुलसै यात्रुएं गी आखेआ ऐ जे अपनी यात्राएं दी योजना पैहले सोआ गै बनान ते बादू समें गी ध्यानै च रखदे होई गै सफर करना। उ'नें लोकें गी सलाह दिती ऐ जे ओह जिसलै बी मुमकिन होए सार्वजनिक ट्रांसपोर्ट, खास करियै मेट्रो दा इस्तेमाल करना। इक सोशल मीडिया पोस्ट च दिल्ली ट्रैफिक पुलिस नै लोकें गी गुजारश कीती ऐ जे ट्रैफिक सरबन्धी दिशा-निर्देशों दी पालमा करना।

<><><><><><>

PM Bilateral Meets

प्रधानमंत्री नरेन्द्र मोदी चीन दे राष्ट्रपति शी जिनपिंग ते अबु धाबी दे शहजादे शेख खालिद बिन मोहम्मद बिन ज़ायद अल नहयान हुंदे सने होरनें ब्रिक्स नेताएं दे कन्नै अज्ज दपक्खी गल्लबात करडन। एहदे शा पैहले मोदी होरें कल नमीं दिल्ली च रुस दे राष्ट्रपति व्लादीमीर पुतिन, ईरान दे राष्ट्रपति मसूद पेजेशिकियन ते संयुक्त राष्ट्र महासचिव एंतोनियो गुतरस हुंदे कन्नै दपक्खी बैठकां कीतीआं।

रूस दे राष्ट्रपति व्लादिमीर पुतिन हुं'दे कन्नै बैठक दे दरान, दौनें नेताएं राजनीति, बपार ते अर्थबवस्था सने रक्षा, ऊर्जा, अंतरिक्ष, हुनरमंद पेशेवरें गी इक-दुए दे इत्थे कम्म करने दा मौका देने ते लोकें बश्कार आपसी सरबन्धें सने केई खेत्तरें च भारत ते रूस बश्कार सैह्योग दी प्रगति दी समीक्षा कीती। दौनें पक्खें पच्छिम एशिया ते काला सागर खेत्तरें च संघर्षें सने आपसी हितें दे प्रमुख इलाकाई ते आलमी सतह दे मुद्दे पर बी बचार सांझे कीते। प्रधानमंत्री नरेन्द्र मोदी होरें इक बारी फही दोहराया जे गल्लबात ते कूटनीति गै संघर्षें गी हल करने दा स्हेई तरीका ऐ ते भारत, शांति प्रयासें च मदद देने लेई सदा तैयार ऐ। दौनें नेता भारत ते रूस दे बश्कार बशेश रणनीतिक सांझ-भ्याली गी होर मजबूत करने दे जतनें गी बरोबर जारी रक्खने पर बी सैह्यत होए। रूस दे राष्ट्रपति पुतिन होरें प्रधानमंत्री मोदी होरें 'गी 24में भारत-रूस सलाना शिखर सम्मेलन लेई रूस औने दा साद्दा दिता जिसी मोदी होरें स्वीकार बी करी लैता।

<><><><><><>

PM -Sea Lanes

प्रधानमंत्री नरेन्द्र मोदी होरें आलमी सतह उप्पर बपार गी बवस्थित बनाई रक्खने लेई सुरक्षित समुंदरी मार्ग, निविघ्न आपूर्ति मार्ग ते नाविकें दी सुरक्षा जकीनी बनाने दा आह्वान कीता ऐ। उ'नें ब्रिक्स मुखें गी बपारिक रूकावटें गी दूर करने ते कारोबार लेई नमें मौकें दा विस्तार करने दी दिशा च कम्म करने दी बी गुजारश कीती। प्रधानमंत्री कल सं' झां नमीं दिल्ली दे भारत मंडपम च ब्रिक्स बपार फोरम दे सत्र गी संबोधित करा'रदे हे। श्री मोदी होरें आखेआ जे भारत समुंदरी रस्ते दी स्वतंत्रता ते नाविकें दी सुरक्षा दा तगड़ेयाई कन्नै समर्थन करदा ऐ। उ'नें आखेआ जे आलमी सतह उप्पर सुरक्षित ढंग्गै कन्नै बपार लेई सुरक्षित समुंदरी मार्ग अत्त लाजमी ना। प्रधानमंत्री मोदी होरें आखेआ जे दुनिया च बधदी बपारिक रूकावटें दे दरम्यान भारत इक आर्थिक सेतु बनाने दी दिशा च तेजिआ कन्नै कम्म करा'रदा ऐ। उ'नें आखेआ जे भारत अज्ज विकास ते स्थिरता लेई भरोसे दा स्रोत ऐ। श्री मोदी होरें 'मेक इन इंडिया, इनोवेट विद इंडिया ते स्केल फॉर द वर्ल्ड' यानि भारत च निर्माण, भारत दे कन्नै नमियां काहडां कडुने ते दुनिया लेई एहदा विस्तार करने दा आह्वान कीता। उ'नें आखेआ जे ब'रे 2014 थमां भारत करीब 40 मुखें दे कन्नै मुक्त बपार समझौते करी चुके दा ऐ। प्रधानमंत्री होरें आखेआ जे भारत दा नजरिया, ब्रिक्स दे अंदर बी बपारिक रूकावटें गी घट्ट करने ते कारोबार दे मौके बधाने बक्खी केन्द्रित ऐ।

श्री मोदी होरें आखेआ जे ब्रिक्स देश हुन दुनिया दी 50 फीसद अबादी, वैश्विक सकल घरेलू उत्पाद दे 40 फीसद ते वैश्विक बपार दे 25 प्रतिशत शा मते दी अगुवाई करदे न। उ'नें आखेआ जे पिच्छले द'उं दहाकें च वैश्विक सकल घरेलू उत्पाद च करीब ढाई गुना बादा होआ ऐ जिसलै के ब्रिक्स मुखें दी सांझी जीडीपी करीब साढ़े चार गुना बधी ऐ। एह्दे'नै पता लगदा ऐ जे ब्रिक्स दी आर्थिक ताकत, विश्व अर्थव्यवस्था दे मुकाबले च करीब दूनी रफ्तार कन्नै बधी ऐ। ब्रिक्स इस बारे अपनी स्थापना दे 20 बारे पूरे करा'रदा ऐ।

<><><><><><>

Saudi Pipeline

सऊदी अरब ने आखेआ ऐ जे ड्रोन हमले दे इक दिनै परैन्त उन्नै मुख्य भरै च फैली दी इक बड़ी तेल पाइपलाइन गी बंद करी दिता ऐ। सऊदी अरब दे ऊर्जा मंत्रालय ने आखेआ ऐ जे हमले दे बाद 'ईस्ट-वेस्ट पाइपलाइन' गी बंद करी दिता गेआ ऐ। बयान च इस गैहू गी एहतियाती उपाऽ दस्सेआ गेआ ऐ। ईरान ते अमरीका-इजराइल दे बण्कार जारी जंग दे दरान होर्मुज जलडमरू मध्य च रुकावट औने दे बाद बी सऊदी अरब आसेआ तेल दा निर्यात बरोबर जारी रखने च 'ईस्ट-वेस्ट पाइपलाइन' ने अहम भूमिका निभाई ऐ। सऊदी अरब दे बदेश मंत्रालय ने इस ड्रोन हमले लेई इराक थमां आए दे केई ड्रोंनें गी कसूरवार दस्सेआ जिसलै के इराक दी सरकार ने हमले दी निंदा कीती ते एह्दे जांच दे हुक्म जारी कीते न। इस तेल पाइपलाइन गी नेहू समें बंद कीता गेआ ऐ, जिसलै यमन च ईरान समर्थित हूथी विद्रोहियें 'बाब अल-मंदेब जलडमरू मध्य', जेहड़ा लाल सागर दे दखनी प्रवेश द्वार पर ऐ, च मोखा बंदरगाह ते पेरिम टापु पर कब्जा करी लैता ऐ, जेह्दे'नै पच्छिम एशिया च चला करदे संघर्ष च इक नमां मोर्चा खुल्ली गेआ ऐ। बाब अल-मंदेब जलडमरूमध्य दुनिया दे प्रमुख शिपिंग मार्गें चा इक्क ऐ। इस बढ़त कन्नै ईरान दी ओकड़ी रणनीति गी बढ़ावा मिली सकदा ऐ, जेह्दे तैह्त्त ओहू अमरीका पर दबाऽ बनाने आस्तै दुनिया भरै च तेल ते गैस दिआं कीमतां बधाना चांहदा ऐ। सऊदी-समर्थित ते अंतरराष्ट्री स्तर पर मान्यता हासल यमन दी सरकार दे दो सूत्रें दस्सेआ ऐ जे उं 'दी फौज पेरिम थमां पिच्छे हटी गई ऐ ते हूथियें लाल सागर दे कंडू पर स्थित मुख शैह धुबाब पर बी कब्जा करी लैता ऐ, जेहड़ा इस टापु दे ठीक सामने ऐ।

<><><><><><>

UP Floods

उत्तर प्रदेश च हाड़ें दी लगातार बिगड़दी स्थिति दे दरम्यान, राज्य सरकारै प्रभावत परोआरें दी मदाद लेई राहत ते बचाऽ कम्म तेज करी दित्ते न। मौलेधार बरखा ते केई सारे डैम थमां पानी छोड़े जाने दे कारण राज्य दे 25 जिले हाड़ें दी मारै हेठ आए दे न। उत्तर प्रदेश दे रिलीफ कमिशनर हुंदे दफ्तरै मूजब, तकरीबन 8 ज्हार लोकें गी जंदे वीरवारें सुरक्षित थाहरें पर पुजाया गेआ जिनेंगी रलाइयै अजे तगर सुरक्षित बचाए गेदे लोकें दी गिनतरी 21 ज्हार तगर पुज्जी गेई ऐ। प्रभावत होए दे लोकें गी सुरक्षित आसरमा उपलब्ध करोआया जा'रदा ऐ जिसलै के तकरीबन 3 ज्हार लोकें गी राहत कैपें च रक्खेआ गेदा ऐ। हाड़ें दरान बमारी फैलने दी शंका गी दिक्खदे होई उत्तर प्रदेश दा सेहत मैहकमा बी पूरी सक्रियता कन्नै गैहीं पुट्टा करदा ऐ। हाड़ें दी मार झल्ला करदे इलाकें च कुल 1 ज्हार 165 मेडिकल टीमां तैनात कीतीआं गेदिआं न। तोआई उत्तर प्रदेश दी राजधानी लखनउ सने केई सारे जिलें च लगातार बरखा बरा करदी ऐ।

<><><><><><>

Women's Hockey

जूनियर एशिया महिला हॉकी कप दे पैहले सेमीफाइनल च अज्ज भारत दा मुकाबला दक्खन कोरिया दे कन्नै होगा। चीन दे मोकी च एहू मैच भारती समें मताबक 9 बज्जियै 45एं मिनटें थमां खेड्डेआ जाह्ग। क्वार्टर फाइनल च भारत ने पाकिस्तान गी रिकॉर्ड 19-सिफर कन्नै शिकस्त दित्ती ही। भारत पूल-ए च 10 अंकें दे कन्नै अब्बल थाहै पर ऐ। दुए सेमीफाइनल च मेजबान चीन दा सामना जपान कन्नै होगा। एहू मैच भारती समें मताबक दपैह्नी 12 बजे थमां शुरू होगा। एह्दे शा पैहले कल भारती मर्दे दी टीम ने इस्सै मुकाबले च मलेशिया गी 3-1 कन्नै हराइयै सेमीफाइनल च प्रवेश कीता। अनमोल इक्का ने 2 ते सुखवींदर ने इक गोल कीता।

<><><><><><>

Women Asia Cup

महिला एशिया कप दे फाइनल च कल दुबई च भारती टीम दा मुकाबला पिच्छली बारी दी चैंपियन श्रीलंका कन्नै होगा। श्रीलंका दी टीम कल पाकिस्तान गी 4 विकटें कन्नै हराइयै फाइनल च पुज्जी गेई। 131 रन्जें दे लक्ष्य दा पिच्छा करदे होई श्रीलंका दी महिला क्रिकेट टीम ने 4 विकटां मुहाइयै 8 गेंदां बाकी रौह्दे गै लक्ष्य हासल करी लैता। श्रीलंका ने 2024 दे फाइनल च भारत गी हराइयै अपना पैहला एशिया कप खिताब जित्तेआ हा।